

Keywords:
Keseimbangan
Kerja
Keluarga



Majlis Ugama Islam Singapura

Khutbah Jumaat

20 Disember 2024 / 18 Jamadil Akhir 1446H

Mengimbangi Komitmen Kerja dan Keluarga

الْحَمْدُ لِلَّهِ الَّذِي هَدَانَا لِهَذَا وَمَا كُنَّا لِنَهْتَدِيَ لَوْلَا أَنْ هَدَانَا اللَّهُ، وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ،
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ عَزَّ وَجَلَّ،
فَقَدْ فَازَ الْمُتَّقُونَ.

Saudara sidang Jumaat yang dirahmati Allah,

Bertakwalah kepada Allah dengan sebenar-benar ketakwaan. Dengan taqwa ini, semoga kita memperoleh kejayaan di dunia dan di akhirat. Amin ya Rabbal ‘Alamin.

Saudara yang dirahmati Allah,

Khutbah pada hari ini akan membincangkan tentang komitmen kita terhadap **kerja** dan **keluarga**, serta bagaimana kita boleh memperoleh **keseimbangan** menerusi ketaatan kepada Allah, dan mengutamakan-Nya dalam kehidupan harian kita.

Sidang hadirin sekalian,

Kesibukan harian boleh membuat kita terlupa bahawa hanya Allah s.w.t. yang boleh mencukupkan keperluan kita dengan rezeki-Nya, dan membimbing langkah kita dengan petunjuk-Nya.

Mari kita lihat teguran Allah s.w.t. terhadap orang-orang yang beriman di dalam Surah Al-Munafiqun, ayat ke-9:

يَا أَيُّهَا الَّذِينَ ءَامَنُوا لَا تُلْهِكُمْ أَمْوَالُكُمْ وَلَا أَوْلَادُكُمْ عَنْ ذِكْرِ اللَّهِ
وَمَنْ يَفْعَلْ ذَلِكَ فَأُولَٰئِكَ هُمُ الْخَاسِرُونَ ﴿٩﴾

Yang bermaksud: *“Wahai orang-orang yang beriman! Janganlah kamu dilalaikan oleh (urusan) harta benda dan anak-pinak kamu daripada mengingati Allah. Dan (ingatlah), sesiapa yang melakukan demikian, maka mereka itulah orang-orang yang rugi.”*

Saudaraku yang dikasihi,

Ayat ini tidak bermaksud kita harus melupakan tanggungjawab dalam urusan dunia dan **keluarga** tercinta, seolah-olah dua perkara ini digambarkan sebagai perkara yang negatif. Sebaliknya, ianya mengingatkan kita tentang objektif utama kehidupan, iaitu untuk beribadah kepada Allah s.w.t., menurut definasi ibadah yang lebih luas, melepasi batasan tikar sejadah.

Dengan menghayati matlamat hidup sebegini, dan dilengkapi dengan sikap dan keperibadian yang baik, hidup kita akan diberkahi Allah, lalu ia akan membuka jalan kepada

penyelesaian terhadap masalah yang sedang atau bakal kita hadapi.

Memang benar, **bekerja** untuk menyara hidup adalah perkara yang penting dalam kehidupan. Dalam konteks hari ini, **bekerja** bukan sahaja dilihat sebagai usaha mencari rezeki. Ia juga menjadi wadah untuk menyumbang kepada kemajuan masyarakat dan ekonomi. Namun, jika tidak **diimbangi** dengan neraca keimanan, kejayaan dalam pangkat dan kerjaya bakal menjadi kompas yang menentukan definisi kehidupan.

Lumrahnya, seorang insan sering terlupa kerana kesibukan hariannya, dan terkadang boleh beralih pandangan dari tujuan utama seorang hamba Allah yang hidup di bumi yang fana ini.

Begitu juga peranan kita bersama **keluarga**. **Keluarga** merupakan antara nikmat yang besar dalam kehidupan kita. Dan oleh kerana ia adalah sebuah nikmat, percayalah, tanpa panduan keimanan, nikmat boleh bertukar menjadi cabaran yang memesongkan keluhuran hati seorang yang beriman.

Zumratal Mukminin Rahimakumullah,

Tentunya kita dapat merasakan cabaran dalam **mengimbangi** komitmen **kerja** dan **keluarga**. Ini bukanlah satu fenomena baru. Maka janganlah kita berputus asa, kerana Allah berfirman di dalam Surah At-Talaq, ayat 2-3:

وَمَنْ يَتَّقِ اللَّهَ يَجْعَلْ لَهُ مَخْرَجًا ۖ وَيَرْزُقْهُ مِنْ حَيْثُ لَا يَحْتَسِبُ وَمَنْ يَتَوَكَّلْ عَلَى اللَّهِ فَهُوَ حَسْبُهُ ۚ إِنَّ اللَّهَ بَالِغُ أَمْرِهِ ۖ قَدْ جَعَلَ اللَّهُ لِكُلِّ شَيْءٍ قَدْرًا ۝۳

Yang bermaksud: “..dan sesiapa yang bertakwa kepada Allah, (nescaya Allah akan mengadakan baginya jalan keluar (dari segala perkara yang menyusahkannya). Serta memberinya rezeki dari jalan yang tidak diduga, dan (ingatlah), sesiapa berserah diri kepada Allah, maka cukuplah Allah baginya. Sesungguhnya Allah tetap melakukan segala perkara yang dikehendaki-Nya. Allah telah pun menentukan kadar dan masa bagi berlakunya tiap-tiap sesuatu.”

Ayat ini mengarahkan kita meletakkan pengharapan pada dan berserah kepada Allah s.w.t. setelah kita berusaha. Apabila berdepan dengan cabaran hidup, carilah penyelesaian berdasarkan nilai takwa, usaha dan tawakkal. Seterusnya, kita sandarkan segala urusan harian kepada Allah s.w.t. Nescaya, seluruh usaha dan waktu kita akan dinilai sebagai ibadah di sisi-Nya, dan memperoleh pahala dan keberkatan.

Saudaraku yang dirahmati Allah,

Usaha untuk mencari **keseimbangan** ini merupakan satu perjuangan yang berterusan. Namun, dengan ikhtiar untuk mengurus masa dengan baik, serta meletakkan Allah s.w.t. sebagai keutamaan dalam kehidupan kita, usia dan masa kita

akan diberkati, dan segala kesulitan akan dipermudahkan oleh-Nya.

Izinkan khatib berkongsi beberapa cadangan untuk membantu kita **mengimbangi** komitmen antara **kerja** dan **keluarga**, sebagai usaha mentaati Allah s.w.t.:

Yang pertama: Jangan pernah lupa untuk terus berdoa dan bertawakkal kepada Allah s.w.t. Yakinlah pada janji Allah bagi golongan Mukmin yang bertawakkal pada-Nya seperti di dalam Surah At-Talaq yang dibacakan tadi: *“Dan (Ingatlah), sesiapa berserah diri kepada Allah, maka cukuplah Allah baginya.”*

Berdoalah dan mintalah bimbingan Allah, agar masa yang kita luangkan sewaktu **bekerja** dan bersama **keluarga** sentiasa diberkati.

Kedua: Dalam usaha kita mencari **keseimbangan** waktu, janganlah kita lupa untuk menjaga diri kita. Pastikan kita terselamat dari keletihan yang ketara (*burnout*). Peruntukkan sedikit masa untuk berehat agar dapat mengisi semula tenaga dan memproses emosi yang sedang kita lalui. Objektif rehat adalah untuk membantu kita kembali dengan tenaga dan fokus yang baru lagi segar.

Ketiga: Cari atau bina sistem sokongan (*support system*) yang boleh membantu kita, terutama apabila melalui masa sukar. **Keluarga** terdekat dan rakan-rakan yang dipercayai adalah sistem sokongan penting dalam kehidupan kita. Kewujudan dan

kata-kata mereka boleh mengurangi rasa tekanan, membantu kita mengurus masa dengan lebih baik, serta memberikan motivasi dan sokongan emosi.

Moga Allah s.w.t. memudahkan segala urusan kita, melaraskan **kerja**, mengeratkan ahli **keluarga**, dan memberkati kehidupan dan usia kita. Amin.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، فَاسْتَغْفِرُوهُ إِنَّهُ هُوَ الْغَفُورُ
الرَّحِيمُ.

KHUTBAH KEDUA

الْحَمْدُ لِلَّهِ حَمْدًا كَثِيرًا كَمَا أَمَرَ، وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى فِيمَا أَمَرَ، وَانْتَهُوا عَمَّا نَهَاكُمْ عَنْهُ وَزَجَرَ.

أَلَا صَلُّوا وَسَلِّمُوا عَلَى النَّبِيِّ الْمُصْطَفَى، فَقَدْ أَمَرَنَا اللَّهُ بِذَلِكَ حَيْثُ قَالَ فِي كِتَابِهِ الْعَزِيزِ: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ.

وَارْضَ اللَّهُمَّ عَنِ الْخُلَفَاءِ الرَّاشِدِينَ الْمُهَدِّينَ سَادَاتِنَا أَبِي بَكْرٍ وَعُمَرَ وَعُثْمَانَ وَعَلِيٍّ، وَعَنْ بَقِيَّةِ الصَّحَابَةِ وَالْقُرَابَةِ وَالتَّابِعِينَ، وَتَابِعِي التَّابِعِينَ، وَعَنْهُمْ وَمَعَهُمْ وَفِيهِمْ بِرَحْمَتِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ وَالْأَمْوَاتِ. اللَّهُمَّ ادْفَعْ عَنَّا الْبَلَاءَ وَالْوَبَاءَ وَالزَّلَازِلَ وَالْمِحْنَ، مَا ظَهَرَ مِنْهَا وَمَا بَطَنَ، عَنِ بَلَدِنَا خَاصَّةً، وَسَائِرِ الْبُلْدَانِ عَامَّةً، يَا رَبَّ الْعَالَمِينَ. اللَّهُمَّ انصُرْ إِخْوَانَنَا الْمُسْتَضْعَفِينَ فِي غَزَّةٍ وَفِي فَلَسْطِينَ وَفِي كُلِّ مَكَانٍ عَامَّةً، يَا أَرْحَمَ الرَّاحِمِينَ. اللَّهُمَّ بَدِّلْ خَوْفَهُمْ أَمْنًا، وَحُزَنَهُمْ فَرَحًا، وَهَمَّهُمْ

فَرَجًا، يَا رَبَّ الْعَالَمِينَ. اَللّٰهُمَّ اكْتُبِ السَّلَامَ وَالْأَمْنَ وَالْأَمَانَ
لِلْعَالَمِ كُلِّهِ وَلِلنَّاسِ أَجْمَعِينَ. رَبَّنَا آتِنَا فِي الدُّنْيَا حَسَنَةً، وَفِي الْآخِرَةِ حَسَنَةً،
وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى، وَيَنْهَى عَنِ
الْفَحْشَاءِ وَالْمُنْكَرِ وَالْبَغْيِ، يَعِظُكُمْ لَعَلَّكُمْ تَذَكَّرُونَ، فَادْكُرُوا اللَّهَ الْعَظِيمَ
يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ، وَلَذِكْرُ
اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.